

# **REFERAT SAA- Sanarfinermut Avatangiisinullu Ataatsimiititaq d. 07-12-2020**

**Mødedato** Mandag d. 07. december 2020 kl. 18:00

**Mødested** Kommunalbestyrelsip ataatsimiittarfia

# Indholdsfortegnelse

|  |    |
|--|----|
| Saqqaa.....  | 3  |
| Oqaluuserisassat akuersissutigineqarneri.....  | 4  |
| Nalunaarutit.....  | 5  |
| Ilisimatitsissutit.....  | 6  |
| Nuummi aqqusinernik aqquteeqqanillu tamanit atorneqartartunit aputaajaasarneq.....                       | 7  |
| Piorsaaviup aamma Sanarfinermut Avatangiisinullu Ingerlatsiviup suleqatigiinnerat.....                   | 10 |
| Aalajangiiffigisassat.....   | 13 |
| Suliat Aningaasaqarnermut Inuussutissarsiornermullu Ataatsimiititamut.....                               | 14 |
| Tasiilaq pillugu tamakkiisumik pilersaarutitut siunnersuutip inaarutaasumik akuersissutigineqarnera..... | 15 |
| Nuummi bussit unittarfiini utaqqisarfiit.....  | 19 |
| Sumiiffinnik Aqquserngillu Taaguutaannik Siunnersuisoqatigiit.....                                       | 22 |
| Qaqqami annaassiniarneq.....   | 26 |
| 2021-mut Eqqakkat pillugit malittarisassiat nutaat.....  | 31 |
| Taasariaqartut allat.....  | 34 |
| Lukket.....  | 35 |
| Imaqarniliap akuerineqarnera.....  | 36 |

## **Punkt 0: Saqqaa**

### **Ilaasortat**

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Lund Kuko (S)

### **Beslutning**

Oqarasuaatikkut: Justus Hansen (D), Harald Bianco (IA), Charotte Pike (IA), Mala Høj Kuko (S) aamma Lund Kuko (S).

## **Punkt 1: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

## **Punkt 2: Nalunaarutit**

- 2a. siulittaasup nalunaarutai
- 2b. ingerlatsiviup nalunaarutai

### **Beslutning**

- 2a. Soqanngilaq.
- 2b. Soqanngilaq.

## **Punkt 3: Ilisimatitsissutit**

Soqanngilaq

## **Punkt 03A: Nuummi aqqusinernik aqquteeqqanillu tamanit atorpeqartartunit aputaajaasarneq**

### **Beslutning**

Ilisimatitsissut tusaatissatut tiguneqarpoq.

### **Bilag**

Aputaajaanermut nunap assinga.pdf

## **Nuummi aqqusinernik aqquteeqqanillu tamanit atorneqartartunit aputaajaasarneq**

Ilisimatitsissut

J.nr.: EMN-2020-00556, Akt ID 5

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliamut atatillugu paasissutissat**

Nuummi aqqusinernik inuinnaat aqputaanilu pisortat ingerlataannik aputaajaasarnissamik isumaqatigiissutit 30. aprili 2020 killeqarput. Taakku sivitsorneqarnissaat pillugu ulloq 28. oktobari 2020 nutaanik suliffeqarfiit sanaartornernik suliaqartartut pingasut aputaajaasarnissamik isumaqatigiissusiorfigineqarput, ukiunut tulliuuttunut tallimanut aputaajaasarnissamik isumaginnittussanngorlugit.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

### **Suliamut atatillugu suliarineqarnera**

Ulloq 19. oktobari 2020 Kommuneqarfik Sermersooq Nuummi ukiuunerani aqqusernit aputaajartarnissaat pillugu suliariumannittussarsiuussivoq, ukiunut tulliuuttunut tallimanut (2020-2025) atuuttussamik. Nuummi aputaajaasarnissamat suliaassat neqeroorutigittinneqartut immikkoortut tallimaasuni katillugit sumiiffinnut 17-inut agguarneqarlutik. Takujuk kakkiussa (Nunap assinga).

Ulloq 28. oktober 2020 nutaanik suliffeqarfiit sanaartornernik suliaqartartut pingasuusut aputaajaasarnissamik isumaqatigiissusiorfigineqarput, illoqarfiup aqqusernisa inuinnaat aqputaalu aputaajartarnissaat isumagissallugit.

Nuuk Entreprenøren: Aputaajartassallugit immikkoortut marluk ukununnga sumiiffinnut agguqaasut B2, B3, B4, B5, B9, B11, B12 og B13

GNC: Aputaajartassallugit immikkoortut marluk ukununnga sumiiffinnut agguqaasut B1, B6, B7, B8, B10, B14 og B15

Byens Transp. og udlejn.: Aputaajartassallugu immikkoortut ataaseq sumiiffik agguarneq B16

Kom. Serm. Materielgård: Aputaajartassallugu immikkoortut ataaseq sumiiffik agguarneq B17

### ***Aningaasaqarnermut sulisoqarnikkullu naliliineq:***

Suliariumannittussarsiuussinerup inerneraa katillugit 8.113.946,- kr. taamaasilluni naatsorsuutigisamit 3 %-imik annertunerulluni.

### ***Inatsisitigut tunngavia suliaticullu sinaakkutigineqartut***

- o Nuummi ukiuunerani aqquserngit aserfallatsaalineqarnissaannut malittarisassiaq 1992-imeersoq

### ***Suliap ingerlaqqinnera***

Isumaqatigiissut ulloq 1. novembari atuutilerpoq, ullorlu 30. aprili 2025 tungaanut atuutissaaq.

### **Aningaasaqarnermut Allatseqarfimmit oqaaseqaatit**

Pingaarteqanngilaq.

**Innuttaasunik peqataatsineq/attaveqaqatigiinneq**  
Pingaaruteqanngilaq.

**Ingerlatsivinnit allaniit oqaaseqaatigineqartut**  
Peqanngilaq.

**Ilangussat**

1. Aputaajaanermut nunap assinga

## **Punkt 03B: Piorsaaviup aamma Sanarfinermut Avatangiisinullu Ingerlatsiviup suleqatigiinnerat**

### **Beslutning**

Ilisimatitsissut tusaatissatut tiguneqarpoq ima oqaasertalerlugu: suleqatigiinneq illoqarfinnut allanut atuutissaaq.

## **Piorsaaviup aamma Sanarfinermut Avatangiisinullu Ingerlatsiviup suleqatigiinnerat**

Ilisimatitsissut

J.nr.: EMN-2020-29966

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Piorsaavik Majoriap ilagaa Suliffeqarnermut Isumaginninnermullu Ingerlatsiviup ataaniittoq. Inuusuttut Piorsaavimmiittut pillugit suliniuteqarnermut atatillugu Piorsaavik Sanarfinermut Avatangiisinullu Ingerlatsivimmik suleqateqalerpoq. Atuartut Nuummi allannguisumik ersarissumik nuannersumillu suliamik naammassinnissinnaanissamat periarfissinneqarnissaat suleqatigiinnermi siunertaavoq.

Atuartut inooqataanikkut, sulianik naammassisaqarsinnaassutsimikkut imminullu naleqartinnermikkut siuarsarnissaat siunertaavoq. Tamannami atuartut ilinniakkamik aallartitsisinnaanissaannik imaluunniit suliffissanut appakaassinnaanissaannut annertusaqaataassaaq.

Tamatuma saniatigut Nuummi suliassamik sukumiisunik naammassinninnissamat suleqatigiinneq iluaqutaassaaq, assersuutigalugu tummeqqat pisuffissaliillu.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa

- ilisimatitsissut tusaatissatut tiguneqassasoq

### **Suliassamik saqqummiussineq**

Piorsaavik Majoriap ilagaa Suliffeqarnermut Isumaginninnermullu Ingerlatsiviup ataaniittoq. Inuusuttut 16-it Piorsaavimmi iggavimmiuullutillu sannavianiittarput. Inuusuttut Piorsaavimmi isertinneqartartut tassaapput inooqataanermi piginnaasassatigut immikkut ikiorneqartariaqartut. Piorsaavimmi siunertaavoq, inuusuttup imminut naleqartinneranik aamma imminut tatigilernissaanik annertusaanissaq, inuusuttullu ilinniakkamik aallartitsinissaannik sulilernissaanilluunniit tunngavissaliinissaq.

Piorsaavimmi sammisassatigut assigiinngitsutigut aaqqissuussaasumik ingerlatsinissamik Piorsaavimmi ilungersuussinermut atatillugu kommunimi suliffeqarfinnik immikkoortortanillu suleqateqarnissaq aallaaviussaaq.

Siunniussaq tassaalluni atuartut suliamik/sammisamik naammassinninnissaannik periarfissaqartitsineq, tassuuna illoqarfimmi ersarissumik nuannersumillu allanngueqataanissaat. Taamatut suliaqarneq tunisassiornermut assingusumik sammisaqartitsineruvoq. Inuusuttut nammineerlutik takussavaat takutillugulu suliamik naammassinnissinnaassuseqarnermik periarfissinneqarneq. Allatut oqaatigalugu inuusuttut nammineerlutik naammassisaat tulluusimaarutigisinnaasaallu. Taamaalilluni taamatut ingerlaneq Piorsaavimmi siunertaasumut ikorfartuutaavoq.

Suliniutissanik piukkunnartunik naleqquttunillu Piorsaavik toqqaanissamut Sanarfinermut Avatangiisinullu Ingerlatsivimmik suleqatiginnilerpoq. Tunisassiornermut assingusumik sammisaqartitsineq assersuutigalugu tassaasinnaalluni:

- Sissaq sinerlugu pisuttuartaftuup ilaanik sananeq (tassungali pisariaqarluni atuartut inerisimalluartaftuup amerlanerunissaat aamma sannavimmi sulisut amerlanerunissaat)
- iliveqarftuup ungaluunik aserfallatsaaliineq
- tummeqqanik pisuffissalianillu aserfallatsaaliineq
- pilersaarutit allat ingerlaavartumik isumaqatigiissutigineqartut.

#### *Aaqqiissutissatut siunnersuut – suliatigut naliliineq*

Suliffeqarnermut Isumaginninnermullu Ingerlatsiviup aamma Sanarfinermut Avatangiisinullu Ingerlatsiviup nalilerpaat, suleqatigiinneq atuartut ineriartornissaannut pissarsiaqaataalluassasoq. Tamatuma saniatigut suleqatigiinneq Nuummi suliasanik sukumiisunik naammassinninnissamut iluaqutaassaaq.

Inuusuttut sukumiisunik nuannersumillu angusaqarluni sulianik naammassisaqarluni takusaqarnissamut periarfissaqartinneqarnerat inooqataanermi piginnaasatigut imminullu naleqartinneq pingaaruteqartuuvoq. Inooqataanermi piginnaasat imminullu naleqartinneq toqqammaviliisooqataasarput, pisariaqartuullutillu ilinniagaqarnissamut, suliffeqarnissamut ataatsimullu isigalugu inuiaqatigiinni akuunissamut.

*Aningaasatigut sulisoqarnikkullu naliliinerit*  
Soqanngilaq.

#### *Inatsisitigut tunngavissaq allakkallu tunngaviusumik uppersaatiit*

- o Suliffeqalernissamik ilinniagaqalernissamillu Siunnersuisarfiit pillugit Inatsisartut inatsisaat nr. 28, 9. decembari 2015-imeersoq.

#### *Ingerlariaqqinnissaq*

Sukumiisumik isumaqatigiissuteqartoqariarpat Suliffeqarnermut Isumaginninnermullu Ingerlatsivimmik ilisimatitsissutigineqassaaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

#### **Innuttaasunik peqataatitsineq/attaveqatigiinneq**

Soqanngilaq.

#### **Ilanngussat**

Soqanngilaq.

## **Punkt 4: Aalajangiiffigisassat**

### **Beslutning**

Soqanngilaq.

**Punkt 5: Suliat Aningaasaqarnermut Inuussutissarsiornermullu  
Ataatsimiititamut**

# **Punkt 05A: Tasiilaq pillugu tamakkiisumik pilersaarutit siunnersuutip inaarutaasumik akuersissutigineqarnera**

## **Beslutning**

Ilisimatitsissut tusaatissatut tiguneqarpoq ima oqaasertalerlugu: nunaminertap asfalterneqarnissaa ilanngunneqassasoq.

## **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Tasiilaq pillugu Tamakkiisumik pilersaarut

## Tasiilaq pillugu Tamakkiisumik pilersaarutip inaarutaasumik akuersissutigineqarnera

Aalajangiiffigisassaq

J.nr.: EMN-2020-00010

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### Suliassamik eqikkaaneq

Tasiilaq pillugu tamakkiisumik pilersaarut tamanut tusarniaassutigineqarpoq piffissami 22. juni – 17. august 2020. Piffissami tusarniaaffiusumi tusarniaanermut akissutit arfineq-pingasut tiguneqarput, taakkulu oqaaseqatigiinnik annikitsunik allannguuteqartitsipput. Ilassuteqaatinut tunngavilersuutit arlaqarput, tamakkulu politikikkut isummerfigineqartariaqarput.

Tasiilaq pillugu tamakkiisumik pilersaarut pilersaarutaavoq illoqarfiup atorneqarnissaanut periarfissanik aalajangersaasussa qanoq pitsaanerpaamik ineriartortinneqarnissaannik aamma/imaluunniit nukittorsarnissaannik takutitsisusoq.

Pilersaarummi illoqarfiup pitsaaqutai pitsanngorsaaviginiarneqarput, taamaalilluni orniginarnera, qorsooqqinnera, illoqarfiup pijuartinneqarnissaa attatiinnarneqarniassammat, tassanilu illoqarfiup qeqqata ingerlalluarnissaa pingaartinneqassaaq, ataatsimoorinissamut periarfissaqassaaq, illoqarfiup innuttaasui peqqinnissamut aalanissamullu periarfissinneqassallutik.

Pilersaarummi suliniutissat assigiinngitsut immikkoortiterneqarput, tamarmilli ataatsimut qulequtaqarput; illoqarfimmik innuttaasunut ataqatigiisumik pilersitsinissaaq. Pilersaarut tamakkiisooq Najukkami Ataatsimiititaliamit sakkussaavoq, iliuseqarnermilu malittarinnullattaartarnissamut aallaaviusassalluni.

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Tasiilaq pillugu tamakkiisumik pilersaarut akuersissutigineqassasoq
- Tamakkiisumik pilersaarut akuersissutigineqartoq Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

### Suliassamik saqqummiussineq

Pilersaarusiornermi periusissaaq P18, kommunimut pilersaarut Sermersooq2028, politikikkut akuersissutigineqartoq toqqammavigalugu Tasiilaq pillugu tamakkiisumik pilersaarusiarniqarpoq, pilersaarummilu immikkut ittumik pingaarnertut qitiutinneqartoq aallaavigineqarpoq: *illoqarfiup qeqqa orniginartoq*.

Pilersaarummi illoqarfiup pitsaaqutai pitsanngorsaaviginiarneqarput, taamaalilluni orniginarnera, illoqarfiup qeqqata ingerlalluarnissaa pingaartinneqarluni, attatiinnarneqassalluni.

Matumani illoqarfimmi pioreersut ineriartorteqqinneqarnissaat siunertaavoq, taakkulu Tasiilaq najoruminartuujarnissaanut pitsanngorsaavigineqarlutillu nutarterneqassapput. Tasiilamut tunngatillugu siunissami aningaasaqarnikkut pilersaarusiornermut atatillugu tamakkiisumik pilersaarut Najukkami Ataatsimiititaliamit kommunalbestyrelsimillu sakkussaavoq isumassarsiorfissaallunilu.

Pilersaarummi illoqarfimmi suliniuteqarfissat pillugit najoqqutassiortoqarlunilu sinaakkutissanik pilersitsisoqassaaq - tassa matumani pineqarlutik aqqusinerni qullit, pinnguartarfinnik pilersitsinerit imaluunniit eqqumiitsuliat atorlugit kusassanerit. Pitsaanerulersitsinissamut illoqarfiullu ineriartortinnissaanut suliniutit tamarmik illoqarfiup qeqqanik pitsaanerulersitsillutillu ataatsimuulersitsissapput, tamannalu pillugu Tamakkiisumik pilersaarummi suliaasaq pingaarnerpaaq tassaavoq tamatumunnga najoqqutassiornissaq.

Tusarniaanermi piffissarititaasoq qaangiummat siunnersuutit arlaqartut pilersaarummut ilanngunneqarput, tunngaviatigulli allannguutit pineqarmata politikkikkut aalajangiiffineqartariaqarpoq. Siunnersuutinut ilaapput:

- Ivigaaraasanik arsaattarfiup aqqusernup tungaanut killilersuuteqarnissaa, arsaq avataanut assakaasaqqunagu
- Qimmiliviit tungaanut pallittaalisqaqarnissaa
- Qimmilivinnut erngup aqqutaanik pilersitsinissaq.

#### *Aaqqiissutissatut siunnersuut – suliatigut naliliineq*

Tamakkiisumik pilersaarummi suliniutinik maannakkut aallartinneqarsinnaasunik piffissallu ingerlanerani illoqarfimmi immikkoortuni ineriartuuteqarfiusinnaasunik siunnersuutinik imaqartoq ingerlatsivimmit nalilerneqarpoq. Taamaalilluni tamakkiisumik pilersaarummi aningaasaqarnikkut pissutsinik periarfissanillu assigiinngitsunik nikisititerisoqarnissaanik naleqqussaasermik imaqarpoq.

#### *Aningaasatigut sulisoqarnikkullu naliliinerit*

Tamakkiisumik pilersaarut aningaasaqarnikkut sulisoqarnikkullu sunniuteqartitsissanngilaq, Tasiilamili iluarsartuussinissamut pitsanngorsaasannissamullu aningaasaliisoqartariaqarneranik taakkartuiffiulluni.

#### *Inatsisitigut tunngavissaq allakkallu tunngaviusumik uppersaatitallit*

- o Pilersaarusionerit aamma nunaminertat atornerartarnerat pillugit Inatsisartut inatsisaat nr. 17, 17. november 2010-imeersoq
- o Kommunitumut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Akuersissutigineqassappat pilersaarut sanarfinermut immikkoortortamut nassiuunneqassaaq, tassani missingersuut suliaassallu allat tullerriaarneri suliarineqassallutik.

#### **Aningaasaqarnermut Allatseqarfimmit oqaaseqaatit**

Kommunitumut 2021-2029-mut sanaartornermut missingersuutini Tasiilaq pillugu tamakkiisumik pilersaarummut aningaasanik immikkoortitsisoqarnikuunngilaq. Tamakkiisumut pilersaarut akuerineqassappat, siuliini nassuiaatigineqartutut, sanarfinermut immikkoortortaqarfik tamakkiisumut pilersaarummi suliniutissat pilersaarusionerannut missingersuusionerannullu ikuutaassaaq. Taamaattumik Tasiilaq pillugu tamakkiisumik pilersaarummut aningaasaliissutit 2022-mut missingersuusionerimut atatillugu aatsaat immikkoortinneqassapput. Tamatuma tungaanut suliniutit annikinnerusut Tasiilami Ataatsimiititaliamit, ukiumut 350.000 koruuninik missingersuuteqartoq, aningaasaliiffineqarsinnaassapput.

#### **Innuttaasunik peqataatitsineq/attaveqaqatigiinneq**

Tasiilami Najukkami Ataatsimiititaliaq suleqatigalugu tamakkiisumik pilersaarut suliarineqarpoq, innuttaasunik ataatsimiititsinermilu qulequttanik pissarsiarineqartunik imaqarluni. Siunnersuut suliarineqareermat illoqarfimmi soqutigisaqaqatigiinnut misissugassanngorlugu pilersaarut nassiuunneqarpoq. Taamatut suliaqarnermut atatillugu siunnersuummut annikitsunik

iluarsiissutini takkuttoqarpoq. Pilersaarut kingullermik tamanut tusarniaassutigineqarpoq, tamanna najukkami allagarsiissutigineqarluni.

**Ingerlatsivinnit allaniit oqaaseqaatigineqartut**  
Oqaaseqaateqartitsisoqanngilaq.

**Ilanngussat**

1. Tusarniaanermut akissutini suliaqarneq
2. Tusarniaanermi akissutit tiguneqartut
3. Tasiilaq pillugu Tamakkiisumik pilersaarut

## **Punkt 05B: Nuummi bussit unittarfiini utaqqisarfiit**

### **Beslutning**

Inassuteqaat akuersissutigineqarpoq.

### **Bilag**

Bussit unittarfiini illuaqqat assigiinngitsut nutaat\_ILANNGUAAQ 1\_Suussusaa Moment

Bussit unittarfiini illuaqqat nutaat\_ILANNGUAAQ 2\_Suussusaa Træmiljø

## **Nuummi bussit unittarfiini utaqqisarfiit**

Utaqqisarfinnik misiligutinik pisinissaq, misiliinissaq

Aalajangiiffigisassaq

J.nr.: ANL-2020-00021

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Bussit unittarfiini utaqqisarfiit pissusissamisoortumik taarsersorneqarnissaannut ilanngullugu illuaqqanik arfinilinnik assigiinngitsunik angissusilinnik isikkulinnillu pisisoqassaaq, taakkulu issittumi silaannarmut naleqquttuunersut misilerarneqassapput. Illuaqqat LED-nik qullilersorneqassapput, aammalu ilaasut toqqissimanerulernissaat ingerlatitsisullu malinnaalluarnissamut periarfissaqarnerunissaannut siuarsaataassallutik.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Nuummi bussit unittarfiini illuaqqat nutaat akuersissutigineqassasut
- suliaq Aningaasaqarnermut Inuussutissarsiornermullu Ataatsimiititamut aalajangiiffigisassatut, kiisalu Kommunalbestyrelsimut ilisimatitsissutitut ingerlateqqinneqassasooq.

### **Suliassamik saqqummiussineq**

Bussit unittarfiini illuaqqat pioreersut qullilersugaanatillu serlersaarfigineqartarput. Nalinginnaasumik illuaqqat qalipaatinik serlersaarfigineqartarput, angalaffissat piiaarneqartarput, aammalu ikkat quttaaffigineqartarlutik. Illuaqqat qullilersorneqarnissaat kissaatigineqarpoq, ilaatigut toqqissimanerulersitsinissaq aammalu serlersaariserit ikilisinneqarnissaat siuarsarniarlugu, peqatigitilluguli ingerlatitsisut illuaqqani ilaasussanik sulii utaqqisoqarnerisooq takusinnaaniassammassuk.

Illuaqqanik maannakkut ajornakusoortumik eqqiaaniartarneq ilusaatigut ajornannginnerulersinniarnearpoq.

Illuaqqanik assigiinngitsunik marlunnik neqerooruteqartitsisoqarpoq, tuniniaasumit ataatsimit isikkui marluk pingasuullutik, Norfax AS, *'Moment'* aamma *'Træmiljø'*.

Illuaqqat angissusii assigiinngitsut qanoq atorluarneqarsinnaanersut misilinneqarnissaat pilersaarutaavoq, illuaqqallu nutaat inissisimaffiini silap qanoq inneranut misilerarnerisigut, nalinginnaasumik aserfallakkiartortarneq eqqarsaatigalugu qanoq sivilutigitisumik atasinnaanersut qanorlu silaannarmik sunnerneqartigisarnersut paasineqarsinnaavoq.

#### Type 1; *'Moment'*

Pingasunik talulik aluminiummik qisunnik qallikkanik, igalaaminernik ninngusuunik suliat toqqaviilu ilusaanut naleqqussakkat. Illuaraq pingasunik matoqqasunik taloqassaaq, tunuatigut isuisigullu.

- Silataata angissusaa: takissusaa: 3.15 m x 1 m x 1.94 m.
- Silataata angissusaa: takissusaa: 3,7 m x 1,4 m x 0,15 m.

#### *Atortut*

- Inunnut marlunnut issiaffissalik.
- Eqqaavik, 70L, toqqavimmut maggusaaq.
- Qullit-LED-mik qaamanillit pisiarineqarsinnaapput.

### Type 2; 'Træmiljø'

Illuaraq pingasunik talulik qisunnik aanaveersakkanik qalligaq, ningusuunik igalaalik toqqavii naleqqussakkat. Illuaraq tamakkerlugu matoqqasoq, saava ammasoq.

- Silataata angissusaa: takissusaa: 3.67 m x 1.4 m x 1.94 m.
- Silataata angissusaa: takissusaa: 3,9 m x 1,5 m x 0,15 m.

#### *Atortut*

- Issisarfia.
- Eqqaavik 100L isuanut maggusaaq.
- Qullit-LED-mik qaamanillit pisiarinqarsinnaapput.

### *Aaqqiissutissatut siunnersuut – suliaticut naliliineq*

Nuup Bussii aamma Kommuneqarfik Sermersooq ataavartumik ataatsimeeqatigiittarput, taakkunanilu aserfallatsaaliinermut, eqqiaanermut, serlersaarinermit allanullu tunngatillugu ajornartorsiutit assigiinngitsut saqqummiunneqartarput eqqartuiffigineqarlutillu, ajornartorsiutaasullu anigorniarneqarnissaanut tunngatillugu illuaqqat qullilersukkat, ammasut akimut ersittut pigineqalerpata iluaqutaasinnaasoq nalilerneqarpoq.

### *Aningaasaticut sulisoqarnikkullu naliliinerit*

Ataatsimoortumik sanaartugassatut pingaarnersiuiinermi pisineq, assartuineq ikkussuinerlu ilanngullugit 1 mio. kr.-ingorlugit akeqassapput sanaartugassanullu missingsuutit iluanneereersunit akilerneqarsinnaallutik. Illuaqqanut neqeroorut norskit aningaasaataannik malillugit neqeroorutaavoq aammalu Norgeminngaanniit assartorneqarnissaat ilanngunneqanngilaq.

Illuaqqat pingasut 'Moment'; 281.600 NOK (~195.000 DKK)

Illuaqqat pingasut 'Træmiljø'; 279.000 NOK (~194.000 DKK)

### *Inatsisiticut tunngavissaq allakkallu tunngaviusumik uppernarsaatitallit*

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq

### *Ingerlariaqqinnissaq*

Illuaqqat decembarip qiteqqunnerani pisiarinqassapput, taavalu qanoq sivistigisumik suliarinqarnissaat assartorneqarnissaallu apeqquutaalluni illuaqqat Nuummut apuuteriarpata ikkussuunneqarumaarput. Illuaqqat sumiiffinnut anorlernerpaaffiusartunut aputeqarneranilu apiffiunerusartunut inissinneqassapput, silap pissusaanut qanoq naleqqiullugit qanoq attartutiginersut misileraaffiginiarlugit.

### **Aningaasaqarnermut Allatseqarfimmit oqaaseqaatit**

Soqanngilaq.

### **Innuttaasunik peqataatitsineq/attaveqatigiinneq**

Soqanngilaq.

### **Ingerlatsivinnit allaniit oqaaseqaatigineqartut**

Soqanngilaq.

### **Ilanngussat**

1. Bussit unittarfiini illuaqqat assigiinngitsut nutaat\_ILANNGUAAQ 1\_Suussusaa Moment
2. Bussit unittarfiini illuaqqat nutaat\_ILANNGUAAQ 2\_Suussusaa Træmiljø

## **Punkt 05C: Sumiiffinnik Aqquserngillu Taaguutaannik Siunnersuisoqatigiit**

### **Beslutning**

Inassuteqaat akuersissutigineqarpoq.

### **Bilag**

Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

## **Sumiiffinnik Aqquserngillu Taaguutaannik Siunnersuisoqatigiit**

Aalajangiiffigisassaq

J.nr.: EMN-2020-00556, Akt ID 6

Sanarfinermut Avatangiisinullu Ingerlatsivik – Pisortaq Hans Henrik W. Johannsen / HHWJ

### **Suliassamik eqikkaaneq**

Sumiiffiit Aqquserngillu Taaguutaannik Siunnersuisoqatigiinni ilaasortat Kommunalbestyrelsimit toqqarneqarnikut ukiuni marlunni atuutereerput.

Sumiiffiit Aqquserngillu Taaguutaannik Siunnersuisoqatigiinni ileqqoreqqusaq malillugu ilaasortat kommunalbestyrelsimit toqqarneqartut ukiuni marlunni atuuttussatut toqqarneqassapput, taakkualu qinigaaqqissinnaapput.

Sumiiffinnik Aqquserngillu Taaguutaannik Siunnersuisoqatigiinni ilaasortatut qinigassanngortittut tamarmik pissarsiarineqarput, taakkualu Kommunalbestyrelsimut akuersissutigineqassapput.

Taamatuttaaq Sumiiffiit Aqquserngillu Taaguutaannik Siunnersuisoqatigiinnut ileqqoreqqusami allannguutissat sularineqarsimapput, Kommunalbestyrelsimiillu aamma akuersissutigineqassallutik.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- siunnersuisoqatigiinni ilaasortatut siunnersuutigineqartut akuersissutigineqassasut
- ileqqoreqqusap allannguutai akuersissutigineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissanngorlugu ingerlateqqinneqassasoq

### **Suliassamik saqqummiussineq**

Sumiiffiit Aqquserngillu Taaguutaannik Siunnersuisoqatigiinni ilaasortat Kommunalbestyrelsimit toqqarneqarnikut ukiuni marlunni atuutereerput.

Sumiiffiit Aqquserngillu Taaguutaannik Siunnersuisoqatigiinni ileqqoreqqusami § 3, imm. 2-mi allaqqavoq: *“Ilaasortat kommunalbestyrelsemit toqqarneqartut ukiuni marlunni atuuttussatut toqqarneqassapput, qinigaaqqittoqarsinnaavorlu.”*

Sumiiffinnik Aqquserngillu Taaguutaannik Siunnersuisoqatigiinni ilaasortaarusuttut tamarmik pissarsiarineqarput. Siunnersuisoqatigiit inissitsiterlutik ataatsimiinnissaat upernaaru piumaarpoq.

Suliffeqarfimmut Kiffartuussivik siunnersuisoqatigiinni allattaanermut atorfik ukiut marluk ingerlatereerlugu oktobari 2020 Sanarfinermut Avatangiisinullu Ingerlatsivimmut tunniunneqarpoq, suliassanut ataqatigiissaarineq eqaannerulernissaa qulakkeerniarlugu.

### **Aaqqiissutissatut siunnersuut – suliatigut naliliineq**

Siunnersuisoqatigiinni ilaasortassatut innersuussutigineqartut ukuupput:

- Lisathe Kruse Møller, Oqaasileriffimmi Immikkut Siunnersorti
- Frederik Holm, Illussanik Titartaasartog Nuummilu innuttaq
- Tittus Dalager, Sanarfinermut Avatangiisinullu Ingerlatsivimmi atorfilik
- Johannes Heilmann, NAPP-miit aallartitaq

- Jakob Mølgaard, Sunngiffimmi Aalisarnermut Piniarnermullu peqatigiiffimmiit aallartitaq
- Hans Lange, Katersugaasivilerisoq, Nunatta Katersugaasivia

Taamatutaaq Sumiiffiit Aqquserngillu Taaguutaannik Siunnersuisoqatigiinnut ileqqoreqqusami allannguutissat suliarineqarput:

Suliffeqarfimmi Kiffartuussivik allaqqanera Sanarfinermut Avatangiisinullu Ingerlatsivimmut allanngorneqarluni.

Ileqqoreqqusami '§ 7-mi aalajangiinnermut imaqarniliaq allanngortinneqarluni:

- Imaqarniliatut siunnersuut ataatsimiinnerup kingorna ullut qulit qaangiutsinnagit ilaasortanut nassiunneqartassaaq.
- Imaqarniliatut siunnersuut ataatsimiinnermi tullermi oqaluuserineqarlunilu akuerineqartassaaq.

#### *Aningaasatigut sulisoqarnikkullu naliliinerit*

Ataatsimiinnerni sutugassanut aningaarsartuuteqarumaarpoq taakkulu ingerlatsivimmi missingersuutinit akilerneqartassapput.

#### *Inatsisitigut tunngavissaq allakkallu tunngaviusumik uppernarsaatitallit*

- o Kommuneqarfik Sermersuumi Sumiiffinnik Aqquserngillu Taaguutaannik Siunnersuisoqatigiit ileqqoreqqusaat
- o Kommunit aqunneqarnerat pillugu Inatsisartut inatsisaat nr. 29 17. november 2017-meersoq (aqutsinermik inatsit)
- o Pisortat ingerlatsineranni suliasat suliarineqarnerat pillugu Inatsisartut inatsisaat nr. 8, 13. juni 1994-imeersoq (suliassamik isumaginninnermut inatsit)

#### *Ingerlariaqqinnissaq*

Siunnersuisoqatigiit inassiteqarluq ataatsimiinnissaat upernaaru piimaarpoq. Sanarfinermut Avatangiisinullu Ingerlatsivik ataatsimiigiaqqusisusaaq, aammalu Sumiiffinnik Aqquserngillu Taaguutaannik Siunnersuisoqatigiinnut allatsitut suliaqassalluni.

#### **Aningaasaqarnermut Allatseqarfimmit oqaaseqaatit**

Attuumassuteqanngilaq

#### **Innuttaasunik peqataatitsineq/attaveqaqatigiinneq**

Siunnersuisoqatigiit kalaallisut taaguutinik qitiutitsilernissamut qarasaasiakkut attaveqaatit, soorlu nittartagaq Facebookilu atorlugit pilersitsisinnaavoq.

#### **Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

#### **Oqaaseqaatigineqartut allat**

Soqanngilaq

#### **Siusinnerusukku aalajangerneq**

*Kommunalbestyrelsip aalajangernera 10. aprilli 2018:*

Inassuteqaatit akuerineqarput, imannak oqaasertalerlugit: Ileqqoreqqusap Sumiiffinnik Aqquserngillu Taaguutaannik Siunnersuisoqatigiinni akuersissutigineqarnissaa pisariaqanngilaq, Kommunalbestyrelsi ileqqoreqqusamit akuersisusussaaq.

*Kommunalbestyrelsip aalajangernera 25. februaari 2020:*

Inassuteqaatit akuersissutigineqarpoq.

## **Ilanngussaq**

1. Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

## **Punkt 05D: Qaqqami annaassiniarneq**

### **Beslutning**

Ilisimatitsissut tusaatissatut tiguneqarpoq ima oqaasertalerlugu, Ittoqqortoormiit siunissaq ungasinnerusoq eqqarsaatigalugu ilanngunneqassasoq.

## **Qaqqami annaassiniarneq**

Qaqqami annaassiniarnermut ilinniartitsissutissat akuerineqarnerat

Aalajangiiffigisassaq

J.nr.: EMN-2020-00556, Akt ID 3

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Suliami matumani Sanarfinermut Avatangiisinullu Ataatsimiititaq apeqqutit uku pillugit isummeqquneqarpoq:

- a. Kommunip annaassiniarnissamut upalungaasimasui qaqqami annaassiniarnermut politiinut ikiuuttuaannartassanersut.
- b. Kommunip annaassiniarnissamut upalungaasimasui qaqqani annaassiniaqataasartut naleqquttumik akuerisamillu annaassiniartartutut pisariaqartumik ilinniagaqarsimanissaat/pikkorissarsimanissaat qulakkiissavaat.

Immikkoortumi akisussaaffinnut tunngatillugu, qaqqani annaassiniarnermut ikiunneq kommunip suliassarinnigilaa. Kisianni kommunip annaassiniarnissamut upalungaasimasui piffissami sivisuumi immikkoortunut allanut qaqqani annaassiniarnermi annaassiniaqataasarput.

Qaqqani annaassiniarnermi politiit peqqinnissaqarfillu akisussaasuupput, akornusersimasooq sumiissusersineqarsimanersooq apeqqutaasarluni. Akornusersimasup sumiinnera naluneqanngippat, peqqinnissaqarfik akisussaasuvoq, taavalu sumiinnera ilisimaneqanngippat, politiit akisussaasuullutik.

Kommunip annaassiniarnissamut upalungaarsimasuisa qaqqani navialisartut amerliartornerat maluginiarpaat, taamaalisoqartillugulu Politiiiniit ikiortiserineqartarput, imaluunniit toqqaannartumik 113-mut sianertoqartarluni. Tamanna pisarpoq Kalaallit Nunaata, tassunga ilanngullugit Nuuk Tasiilarlu takornariarfissatut soqutigineqaleriartornerat ilutigalugu.

Kommunimi Upalungaarsimanissamut Ataatsimiititaliap kommunimi annaassiniarnissamut upalungaarsimasut qaqqani annaassiniartoqartillugu ikiuuttuarnissaannut apeqqut eqqartorpaat innersuussutigalugulu.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimi Upalungaarsimanissamut Ataatsimiititaliap innersuussutaa annaassiniarnissamut upalungaarsimasut qaqqani annaassiniartoqartillugu politiinut ikiuuttuarnissaat akuerineqassasoq.
- annaassiniarnissamut upalungaarsimasut qaqqani annaassiniaqataasartut naleqquttumik akuerisamillu annaassiniartartutut pisariaqartumik ilinniagaqarsimanissaat/pikkorissarsimanissaallu akuerineqassasoq.
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Inatsit pisussaaffillu

Kalaallit Nunaanni annaassiniarnissamut upalungaarsimaneeq aamma ikuallattoornissamut qaartoornissamullu pitsaaliuinermi iliuusissat pillugit Inatsisartut inatsisaat nr. 14, 26. maj 2010-

meersoq malillugu annaassiniarnissamut upalungaarsimasut suliassaannut malittarisassat tungaatigut ima allassimasoqarpoq:

*§ 10. Annaassiniarnissamut upalungaarsimasut ajutoornermik ajunaarnersuarmilluunniit pisoqartillugu, kiisalu nunami akuutissanik ulorianartunik tassanngaannartumik ajutoortoqartillugu ikuallattoornissamut, inuit, pigisat avatangiisillu ajoqusernissaannut isumannaatsumik suliniuteqarsinnaassapput. Annaassiniarnissamut upalungaarsimasut aamma qimarngussat navialisullu allat tigooqqarneqarnerini, inissikkallarneqarnerini isumassorneqarnerinilu isumagininnermi oqartussaasunut ikiuuttassapput.*

Kiisalu § 10, imm. 2-mi allassimavoq, SAR-imi suliassat aamma peqqinnissaqarfiup pinasuartumik angallassineri ilaatinneqanngitsut.

Inatsit naapertorlugu taamaasilluni qaqqani annaassiniartarnek kommunip annaassiniartartut upalungaarsimasuisa akisussaaffiginngilaat.

Kisianni inatsit naapertorlugu kommunip annaassiniarnissamut upalungaarsimasui immikkoortut allat suliassanik naammassinninnissaannut ikiuunnissamut pisussaaffeqarput.

§ 10, imm. 3 naapertorlugu Annaassiniarnissamut upalungaarsimasut ajutoortoqarnera imaluunniit ajunaarnersuarmik pisoqarnera pissutigalugu pisariaqalerpat kommunip allap, Statens Lufthavnsvæsen-ip (RCC), Grønlands Kommando-p (MRCC) imaluunniit politiit tamatuminnga kissaateqarnerat tunngavigalugu pisariaqartunut ikiuutissapput.

#### Maannakkut inissisimaneq

Allaatigineqareersutut takornariaqarnek Nunatsinnilu unnuisartut amerliartorput. Politiit naapertorlugit 2013-imiit 2017-imut qaqqani navialisut 7-iniit 23-nut amerlisimapput, taakkunannga kommunip annaassiniarnissamut upalungaarsimasui politiinut ikiuussimapput. Assigiinngitsutigut ikiuisoqarsimavoq suliassap suunera apeqqutaatillugu.

#### *Akiutininik annaassiniarneq*

Amerlanertigut, qaqqani annaassiniarneq pineqartillugu, inuk ataaseq, qaqqami navialisimasoq, nammineerlunilu ammuksinnaanngitsoq pineqartarpoq. Taamaalisoqartillugu annaassiniarnissamut upalungaarsimasut inuk akiutininik aasariaqartarsimavaat. Matumani qaqqami annaassiniarnerinnaq pineqarnavianngilaq, kisianni annaassiniarneq qaqqami ingerlanneqarpoq.

Ullumikkutut itsillugu amerlanerpaatigut, annaassiniarnissamut upalungaarsimasut qaqqani annaassiniartuusarput. Annaassiniarnissamut upalungaarsimasut annaassiniarnermi suliaqarnissaannik naatsorsuuteqarnermut aamma ajornartuulernermi kalerrisaarisoqarneranut attuumassuteqartinneqartarpoq, amerlanertigut 113 toqqaannartumik sianerfigalugu, ikittuinnaallu politiit annaassiniarnissamut upalungaarsimasunik ikiuukkiartoqqusisarlutik.

#### *Allunaasalerluni qaqqami annaassiniarneq*

Pisuni allani qaqqani annaassiniarnermi allunaasaq atortariaqartarpoq, imaappoq ilaatigut innarsiortoqartariaqartarluni. Pingaartumik taamatut navialisoqartillugu ilinniarsimasunik sulisoqarnissaq pisariaqartarpoq, inuunerminnik navianartorsiortitsinnginniassammata, illersorneqarsinnaasumillu suliaqarsinnaaniassammata.

Maannakkuugallartoq upalungaarsimasuni qaqqani annaassiniarnermik suliaqartartut sisamaapput, taakkunannga ataaseq kisimi innarsiornermik misilittagaqartuulluni. Imaappoq, upalungaarsimasut suliassap isumaginissaanut inuk ataaseq pinngitsoorsinnaanngilaat. Taamaattumik innersuussutigineqarpoq, Nuummi inuit qulit tikillugit ilinniartinneqarnissaat pigiinnarneqarnissaallu qulakkeerneqassasoq, Tasiilami Paamiunilu inuit arfinillit tikillugit.

Navialisoqarnerani allunaasamik atuinissaq/imaluunniit innarsiornissaq pisariaqartillugu, qaqqami annaassiniarneq pineqassaaq. Ullumikkut suliassat tamakkua suleqatigiinnit isumagineqartarput, taakkunannga ataaseq kisimi Nuummi qatserisartoq suliassamut ilinniarnikuuvoq.

#### *Snescooteri atorlugu qaqqami annaassiniarneq*

Ukiuunerani upalungaarsimasut aamma suliassaqaartaqaat, snescooterimik atuisariaqarlutik. Aamma ukiukkut qaqqani pisuttuartaqartarpoq, tassungalu uiggiullugu snescootererpassuit angallattarput. Upalungaarsimasut aamma snescooterit atorlugit politiiniit ikiuukkiartoqquneqartarput.

Upalungaarsimasut taamatut qaqqani annaassiniartunut ikiuuttuartaassappata, atortorineqartut pitsaasuunissaat pisariaqarluinnartuuvoq. Matumani pineqarput snescooterit, taakkununnga ilanngullugit inuttut isumannaallisannermut atortorineqartut.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsiviup innersuussutigaa immikkoortunit allanit naatsorsuutigisamik pisussaaffiup attatiinnarneqarnissaa, pingaartumik politiiniit peqqinnissaqarfimmiillu, kommunip annaassiniarnermi upalungaarsimasuisa qaqqami annaassiniarnermi ikiuuttarnissaat, innarsiorneq atorlugu atorlagulu.

#### Sulisut ilinniarluarsimasut

Qaqqami annaassiniartarnerup upalungaarsimasunit immikkoortumi akisussaaffigineqannginnera tunuliaqutaralugu, kisiannili upalungaarsimasut eqqortunik atortorissaaruteqarpata aatsaat ikiuussinnaanerit eqqarsaatigalugu, suliassaqarfimmi tassani sulisut ilinniartitaanissaat sallerstaatineqarsimanngilaq.

Suliassaqarfiup isumagineerata ingerlatiinnarnissaa aalajangiiffineqassappat, ilinniarsimasunik sulisoqarnissarput qulakkeertariaqarparput - aamma ungasinnerusoq eqqarsaatigalugu.

Sulisut ilinniarluarsimasut illersorneqarsinnaasumik suliassamik suliqaarnissaq qulakkiissavaat, sulisut nalussanngilaat inuk navialisimasooq qanoq passuttariaqarnersoq, naggataatigullu sulisut peqqussutigineqartunik suliarinninnissaannik piareersarlugit.

Tamanna erseqqilluinnartumik ima isumaqarpoq, upalungaarsimasut sulisuminnut naleqquttunik ilinniakkanik pisarialinnik pikkorissarnernik neqeroorteqarsinnaasariaqarput, taamaasilluni upalungaarsimasut pisunut sulisutta navialisinnaanerannik kinguneqartunik illersorneqarsinnaasunik suliqaarsinnaanissaat naammassiumallugu.

#### *Aningaasatigut sulisoqarnikkullu naliliineq*

Sulisut, qaqqani annaassiniarnermi Politiinik ikiuiartortarnissamik illersorneqarsinnaasumik ilinniartinneqarnissaat siunertaralugu taamaasilluni suliassamik suliarinnittoqassammat qatserisartorlu imminut illersorsinnaaqullugu aalajangernermi pineqarmat, kommunimi qaqqani annaassiniarnermut upalungaarsimasut aningaasaliiffigineqarnissaat pisariaqarpoq.

Sulisunik ilinniartitsisoqassaaq, taamaasilluni suliassat isumaginissaannut naammattunik peqarniassagatta, upalungaarsimasullu inunnik ataasiakkaanik pisariaqartitsinnginniassammata. Qaqqami annaassiniarnermut ilinniartitaanerup saniatigut aamma sungiusarnermut atugassanik aningaasaliissuteqartoqartariaqarpoq.

Naggataatigut eqqarsaatigineqartariaqarpoq atortunik nutaanik pisisoqarnissaa imaluunniit atortut ilaneqarnissaat ataavartumillu aserfallatsaaliornissaq.

Ilinniartitsisoqarnissaanik suliassap aningaasaqarneq ilanngullugu qulaajaasoqarnissaanut siullermik upalungaarsimanermut tunngatillugu immikkoortumut pilersaarummi sanaartugassanut missingersuutinit akilerneqarnissaat naatsorsuutigineqarpoq.

Suliassap inaarutaasumik aningaasartai kommunip upalungaarsuisuinut kommunip immikkoortumut pilersaarutaanut ilanngunneqassapput. Immikkoortumut pilersaarut 2021-imi politikikkut saqqummiunneqarumaarpoq.

*Inatsisitigut tunngavissaq allakkallu tunngaviusumik uppersaatitallit*

- Kalaallit Nunaanni annaassiniarnissamut upalungaarsimaneq aamma ikuallattoornissamut qaartoornissamullu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

*Ingerlariaqqinnissaq*

- Ilinniartitsinissamut suliniutip qulaajarneqarnissaa
- Sulisut pikkorissarneqarnissaat
- Atortunik nutaanik pisinissap ilaterinissallu qulaajarnissaat

**Aningaasaqarnermut Allatseqarfimmit oqaaseqaatit**

Aarutaasumik aningaasartai kommunip qaqqami annaassiniarnissamut upalungaarsuisuinut kommunip immikkoortumut pilersaarutaanut ilanngunneqassapput.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

**Ilanngussat**

Soqanngilaq.

## **Punkt 05E: 2021-mut Eqqakkat pillugit malittarisassiat nutaat**

### **Beslutning**

Inassuteqaat akuersissutigineqarpoq.

### **Bilag**

2021-mut Eqqakkat pillugit malittarisassiat - Kommuneqarfik Sermersuumi eqqakkanik pilersitsisarneq

Allannguutinut diagrammi

## **2021-mut Eqqakkat pillugit malittarisassiat nutaat**

Angerlarsimaffinnit aamma inuussutissarsiuqartunit eqqakkat pillugit malittarisassiat 2021.

Aalajangiiffigisassaq

J.nr.: EMN-2020-00556, Akt ID 7

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

### **Suliassamik eqikkaaneq**

Kommunimi Inuussutissarsiortut eqqagaat pillugit malittarisassiat aamma angerlarsimaffinniit eqqakkat pillugit malittarisassiat nutarterneqarnerinut atatillugu, eqqakkat kommunimit isumagineqartarneri pillugit nutaaliortoqarpoq. Malittarisassiat nutaat sukumiinerujussuupput siuliinullu sanilliullugit eqqakkat pillugit immikkoortitigaanerullutik. Tamatumunnga peqatigitillugu immikkoortiterinermut aaqqiissutit ilaat periarfissatut inissisimagaluartut maanna pinngitsoorani naammassisassatut inissisimatinneqalerput.

Taamaalilluni malittarisassiat nutaat atorlugit kommune eqqaasartunut piunaffiginninnerulersinnaalerpoq. Avatangiisit mingutsinnaveersaarlugit eqqakkanik eqqortumik passussinissamut kommunip periarfissaasa pitsanngorsarnissaat matumani siunertarineqarpoq, aamma immikkoortortat tunitsivissat nutaat/pilersinneqartussat passunnissaannut naleqqussartuarnissamik eqaallisaaneq ilanngullugu.

Eqqakkat pillugit malittarisassiat nutaat aqutigalugit aamma atuisunut tulluarsaaneruneq pivoq, ilaatigut inuussutissarsiortunit aamma inoqutiginniit eqqakkat ataatsimoortillugit malittarisassiortoqarluni.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- "Kommuneqarfik Sermersuumi eqqakkanik pilersitsisarnermi 2021-mut Eqqakkat pillugit malittarisassiat" akuersissutigineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut aalajangiiffigisassatut ingerlateqqinneqassasooq

### **Suliassamik saqqummiussineq**

*Aaqqiissutissatut siunnersuut – suliatigut naliliineq*

Eqqagassaleriffiup 2021-mi malittarisassiat allanngortippai. Siusinnerusumut sanilliullugu pingaernerusumik allannguut tassaavoq malittarisassiani suliat allaaserineqarneri, kommunip eqqakkat pillugit nalunaarsueriaasia taavalu akigitat akornanni naapertuunnerulersinneqarnerat, taamaalillutik siusinnerusumut sanilliullutik atuisunut tulluarsagaanerulerlutik, tassa innuttaasunut sullivinnullu. Taakku saniatigut eqqakkanik pisariaqartutugit immikkoortiterisarnissamik piunasaqaat malittarisassiani nutaani ilanngunneqarpoq. Nalinginnaasumik atoqqiisarnissamik periarfissat annertusarniarlugit avatangiisillu eqqarsaatigalugit illersorsinnaasumik passussisarnissaq qulakkeerniarlugu, immikkoortitigassat ilaat ilanngunneqarput.

Malittarisassiani nutaani pisiniarfinniit, aalisakkerivinniit, aalisartuniit piniartuniillu assigisaannillu eqqagassat tigoorarneqartarnerinut atatillugu Eqqagassaleriffimmi ilungersunartarnerat eqqarsaatigineqarput.

Suliassamik saqqummiussaliami uani ilanngunneqarpoq allannguummut diagrammiliaq, tassani allaaserineqarluni malittarisassiamut pisoqqamut sanilliullugu "Kommuneqarfik Sermersuumi eqqakkanik pilersitsisarnermi 2021-mut Eqqakkat pillugit malittarisassiat" erseqqissuliarineqarput.

#### *Aningaasatigut sulisoqarnikkullu naliliinerit*

Eqqakkanut malittarisassiani allannguutit ataatsimut isigalugit kommunimut aningaasartuutaannginnissaat matumani anguniarneqarpoq.

Eqqakkanik aallertarnerit pillugit akit naleqqussarneqarput, taamaalillutik akit kommunip eqqakkanik ataasiakkaanik immikkoortitigassanik passussineranut aningaasartuutaasut matussusernissaannut oqimaaqatigiissinneqarnissaat naapertuutissalluni atoqqiiniarneq peqataanik annertusarneqarluni. Annertunerusumik immikkoortiterisarneq akinut pingaarnertut apparsaaqataassaaq, eqqagassallu ataatsimoortut/immikkoortiterneqanngitsut kukkusumik immikkoortiterinermut akitsuutinut ilanngunneqassallutik, taakku eqqakkat Eqqagassaleriffimmi suliareqqinnerani matussutaasussaapput.

Immikkoortiterinissamut piumasaaqateqarnerunikkut atoqqiinissamut atorluanaanissamullu periarfissat pitsaanerulissammata, eqqagalerinermi nalinginnaasumik sulisunik atorluaanikkut siuarsaasoqarnissaa malittarisassiat kinguneqassasut naatsorsuutigineqarpoq.

#### *Inatsisitigut tunngavissaq allakkallu tunngaviusumik uppersaataitallit*

Atoqqiisarnissap siuarsarneqarnissaa kommunimilu eqqagassanik passussisarnermit avatangiisinut kingunerlutsitsisarnerit annikilliniarlugit Kommuneqarfik Sermersuumut Eqqagassat pillugit pilersaarummi pingaarnertut anguniakkat naapertorlugit malittarisassianut nutaanut naapertuupput. Kommunimi annertunerusumik atoqqiisarnissaq politikikkut anguniakkat malittarisassiatigut nutaatigut sukumiisumik siuarsarneqassaaq (eqqagassat pillugit pilersaarummi anguniakkat arfineq-aappaat).

Malittarisassiat nutaat Nunatsinni eqqagassalerinermut periusissiamut naapertuupput.

#### *Ingerlariaqqinnissaq*

Malittarisassiat akuersissutigineqassappata tamatuma kinguninngua tamanut saqqummiunneqassapput aammalu aallartinneraniit "ingerlatsinermut" ilanngunneqassallutik.

Malittarisassiat nutaat tamanut saqqummiunneqarnerini paasisitsiniaaneq ingerlanneqassaaq, taannalu naapertorlugu kommunimi eqqakkanik tunniussisarneq immikkoortiterisarnerlu pillugit malittarisassat nutaat suliffeqarfinnut innuttaasunullu maluginiaqquneqassapput, kiisalu nutaatut piumasaaqataasut kingunerisaannik avatangiisinut sunniutaasussat ilanngullugit maluginiaqquneqassallutik.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqaatissaqanngilaq.

#### **Innuttaasunik peqataatitsineq/attaveqaqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Soqanngilaq.

#### **Ilanngussat**

1. 2021-mut Eqqakkat pillugit malittarisassiat - Kommuneqarfik Sermersuumi eqqakkanik pilersitsisarneq
2. Allannguutinut diagrammi

## **Punkt 6: Taasariaqartut allat**

### **Beslutning**

Charlotte (IA): Ittoqqortoormiini orpiliap nakkutigineqarnissaa kissaatigineqarpoq.

Mala (S): Coronaqartoqarnera pissutigalugu containerimik inissiisoqarnissaa isumaliutigineqarpoq, taamaalillutik innuttaasut kommunip silataani qiiallutik utaqqissanngillat. Siusinnerusukkut apeqquteqaatigineqarsimasut akissutigineqarnissaat kissaatugineqarportaaq.

Lund (S): Inuit silami utaqqisut sivisunerusumik utaqqisaramik ingerlaannartarput.

Justus (D): Tamassi juullisiorluarisi suleqatigiilluarsimanermullu qujanaq.

Hans Henrik: Tamassi juullisiorluarisi. Ilissi ataatsimiitallu allattaalu suleqatigiissimanitsinnut qujavunga, allatsilu ataatsimiititani allani sulinissaa pillugu ajunnginnerpaamik kissaallugu.

## **Punkt 7: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 15.02.